

ԱՐՏԱՔԻՆ ՏԵՍՈՒԹԻՒՆ

ՀԱՅԱՍՏԱՆԻ ԿՈՉԸ

Եւրօպացի հռչակաւոր գործիչները դիմում են արեւ Ռուզ-վէլտին հայերի վիճակը թեթեալեղուն պատակով: Այդ դիմումի բովանդակութիւնն է.

«Մենք չենք կասկածում, որ դուք էլ մեզ նման խորապէս զգացուած էք, տեսնելով հայ ժողովրդի ողբալի վիճակը: Այդ ժողովուրդը նոյնպիսի ծագում ունի, ինչպէս և մենք, ու նշա-նաւոր դեր է խաղացել քաղաքակրթութեան գործում դեռ հին դարերից սկսած:

Նրան այժմ հասցրել են ծայրայեղ յուսահատութեան:

Նրան կորուստ է սպառնում այն դաժանութիւններից ու բռնութիւններից, որ գործադրում են շրջապատող մահմեդական բարբարոս տարրերը անպատիժ կերպով:

Տասը տարուց աւելի է, որ դրանք աշխատում են բնա-ջինջ անել հային:

Հայաբնակ վայրերում ապրող կամ ճանապարհորդող եւրօպացի և ամերիկացի վկաների ցուցմունքները, դեսպանների և հիւպատոսների պաշտօնական զեկուցումները միաբերան հաստատում են մեր ասածները և ճշգրիտ ու ցնցող ման-րամասնութիւններ առաջ բերում:

Հայ ազգաբնակչութեան համար չը կայ այլևս ոչ կեանքի ու գոյքի, ոչ էլ կանանց, տղամարդկանց ու երեխաների պատէի ապահովութիւն:

Նրանց շարունակ սպառնում է Ասիայում սարսափ ազդող կաղմակերպւած խմբերի կողմից մշտական թալան, առեւանգու-թիւն, բռնութիւն և կոտորած:

Ահա թէ ինչու մենք դիմում ենք ձեզ, նախագահ, և խնդրում միջամտութիւն այն ձևով, ինչպէս որ դուք յարմար կը համարէք, և այն ճանապարհով, որը աւելի հեղինակաւոր կը դարձնէ քաղաքակիրթ ազգի կարծիքը այն պետութիւնների

առաջ, որոնց սահմաններում տեղի են ունենում այս վայրագ տեսարանները:

Մենք համարձակուում ենք յուսալ, որ ձեր ձայնը կը լսի Ռուսաստանի Կայսրը, որը արդէն տեղեկացրել է իր մարդասիրեկան մտադրութիւններին մասին և ցանկութիւն է յայտնել հաստատել այդ մտադրութիւնը միջազգային համաձայնութեամբ:

Մենք խնդրում ենք ձեզանից նախաձեռնող հանդիսանաք և միւս պետութիւնների անկցութիւնն ստանալով, տալ Օսմանեան կայսրութեան հպատակներին այն հասարակական խաղաղութիւնը և ընդհանուր կարգը, որոնց բացակայութիւնը այդ պետութեանը այնքան դժբաղդութիւններ է պատճառել և նրան վերջնական կորուստ է սպառնում:

Ստորագրել են.

Փրանսիա—Բերթրէօ Լէօն Բուրժուա, արքէ Լըմբը, Ա. Բրիան, Դ. Կոչէն, Ա. Լըրուաֆօլիօ, Օկտաւ Միրբօ, Ալֆրէդ Կրուազէ, Լ. Հալէվի, Կամիլ Պէլլըտան, Գաստօն Դումէրգ.

Բելգիա—Վանտէրվիլդէ, Անսէլ, Հէկտօր Դէնիս, Դէմլօն—Կրէցփոլս:

Հօլլանդիա—Բօրթէվիուս՝ նախկին մինիստր.

Անգլիա—Ստէյ, Սէֆէնսօն, Մօրիսօն, Ադլին, դքսուհի

Բէզֆօրտ:

Սօրվէզիա—Բէօրնստէրն Բեօրնսօն, Նանսէն.

Դանիա—Բրանդէս, Բայեր.

Իտալիա—Ասկօլի, Բօսսի, Սէրթի պրօֆէսօրները: (Յառաջ)

ՄԱՀԳՈՅԺ

Կ. Պօլսի Բերայի Թաղում դեկտեմբերի 20-ին կնքել է իւր մահկանացուն տիկին Ագապի Տէր-Ներսիսեանը, Կ. Պօլսի Հայոց Պատրիարք ամեն. Տ. Մաղաքիա արքեպիսկոպոս Օրմանեանի քոյրը և յայտնի Միհրան Տէր-Ներսիսեանի ամուսինը: Հանգուցեալը իւրովսանն միշտ մասնակցում էր ազգային—եկեղեցական գործերին, որով և մեծ մխիթարութիւն էր պատճառում իւր սրբազան եղբօրը: Հանգուցեալի յուղարկաւորութիւնը մեծ շքով կատարուել է Բերայի Սուրբ Ներսիսեան եկեղեցում և ամփոփել Շիշլիի ազգային դերեզմանատանը տոնմային դամբարանում:

Մեր խորին ցաւակցութիւնն ենք յայտնում սրբ. Օրմանեանին իւր կրած մեծ կորուստի համար: